

OPĆINA NOVI GRAD SARAJEVO

Općinsko vijeće

Na osnovu člana 3. stav 3. Zakona o novčanim podrškama u poljoprivredi i ruralnom razvoju ("Službene novine Federacije BiH", br. 42/10) i člana 33. i 79. Statuta Općine Novi Grad Sarajevo ("Službene novine Kantona Sarajevo", broj 30/09 - Novi prečišćeni tekst), Općinsko vijeće Novi Grad Sarajevo, na 25. sjednici održanoj 31.03.2015. godine, donijelo je

ODLUKU

O NAČINU, VRSTI I KRITERIJIMA PROVOĐENJA
PODSTICAJNIH MJERA U OBLASTI PRIMARNE
POLJOPRIVREDNE PROIZVODNJE NA PODRUČJU
OPĆINE NOVI GRAD SARAJEVO

Član 1.

Ovom Odlukom se utvrđuju namjene novčanih podsticaja i vrste, kriteriji i način provođenja podsticajnih mjera za unapređenje poljoprivredne proizvodnje na području Općine Novi Grad Sarajevo iz sredstava predviđenih budžetom Općine Novi Grad Sarajevo za tekuću godinu.

Član 2.

Novčani podsticaji u primarnoj poljoprivrednoj proizvodnji realizovaće se kroz sljedeće namjene:

1. direktnom podrškom za tekuću poljoprivrednu proizvodnju i to za:
 - a) animalnu proizvodnju,
 - b) biljnu proizvodnju,
 - c) gljivarsku proizvodnju,
 - d) investiranje u poljoprivredna gazdinstva: nabavka mehanizacije i novih plastenika,
 - e) ostale vrste novčanih podsticaja.
2. sufinansiranje implementacije Projekata Udruženja, Zadruga, nevladinih i međunarodnih organizacija sa sjedištem na Općini Novi Grad Sarajevo kao i sa sjedištem izvan Općine Novi Grad Sarajevo koje aktivno djeluju na pružanju podrške razvoju poljoprivredne proizvodnje i koje općina ocijeni značajnim sa aspekta stvaranja uslova za samozapošljavanje u poljoprivredi, stvaranja uslova za upošljavanje nezaposlenih lica koja se vode na evidenciji za zapošljavanje Općine Novi Grad Sarajevo kao i ekonomsko osnaživanje nezaposlenih, socijalno i materijalno ugroženih porodica.
3. finansiranje aktivnosti na promociji domaće poljoprivredne proizvodnje i mogućnosti ruralnog razvoja, podizanje nivoa svijesti o važnosti kupovine domaćih proizvoda - promocija "Bosanske tržnice", a koje će realizovati nadležna općinska služba,
4. finansijska sredstva na ime učešća općine u realizaciji Projekata koja se finansiraju sredstvima iz međunarodnih i domaćih fondova,
5. pružanje podrške poljoprivrednim proizvođačima kroz organizovanje edukacija iz oblasti poljoprivredne proizvodnje a koje će realizovati nadležna općinska služba,
6. podršku Udruženjima, Zadrugama, pravnim licima na učešću u organizovanju manifestacija, sajмова i sl.

Član 3.

Iznos finansijskih sredstava za namjene navedene u članu 2. ove Odluke utvrdiće se na osnovu Programa kojeg, u skladu sa ovom Odlukom na prijedlog Općinske službe za privredu, finansije i inspeksijske poslove, donosi Općinski načelnik.

Član 4.

Pravo na apliciranje za korištenje finansijska sredstva koja će se dodjeljivati realizacijom novčanih podrški iz člana 2. stav 1. tačka 1. Odluke imaju:

- fizička lica (neregistrovana i registrovana lica u skladu sa Zakonom o obrtu i srodnim djelatnostima) koja imaju prebivalište na području Općine Novi Grad Sarajevo i koja su poljoprivrednu proizvodnju zasnovala na području Općine Novi Grad Sarajevo, odnosno za oblast pčelarstva na području Kantona Sarajevo, a koja su upisana u Registar poljoprivrednih gazdinstava i Registar klijenata u skladu sa Zakonom o poljoprivredi ("Službene novine Federacije BiH", br. 88/07 i 4/10) i Pravilnikom o upisu u Registar poljoprivrednih gazdinstava i Registar klijenata ("Službene novine Federacije BiH", br. 42/08),
- fizička lica (neregistrovana i registrovana lica u skladu sa Zakonom o obrtu i srodnim djelatnostima) koja imaju prebivalište na području Općine Novi Grad Sarajevo i koja su poljoprivrednu proizvodnju zasnovala na području BiH ukoliko realizacijom Projekata ostvaruju održiv povratak kroz vid samozapošljavanja u poljoprivredi, nezaposlena lica koja su evidentirana na birou za zapošljavanje Općine Novi Grad Sarajevo ako dodjelom finansijskih sredstava registruju obrt u skladu sa Zakonom o obrtu i srodnim djelatnostima, a koja su upisana u Registar poljoprivrednih gazdinstava i Registar klijenata u skladu sa Zakonom o poljoprivredi ("Službene novine Federacije BiH", br. 88/07 i 4/10) i Pravilnikom o upisu u Registar poljoprivrednih gazdinstava i Registar klijenata ("Službene novine Federacije BiH", br. 42/08),

Pravo na korištenje finansijskih sredstva koja će se dodjeljivati realizacijom novčanih podrški iz člana 2. stav 1. tačka 2., 3., 5 i 6. Odluke imaju:

- pravna lica, Udruženja, Zadruga i nevladine organizacije koje djeluju na području Općine Novi Grad Sarajevo ili imaju poslovnu jedinicu na području Općine Novi Grad Sarajevo, a koja su upisana u Registar poljoprivrednih gazdinstava i Registar klijenata u skladu sa Zakonom o poljoprivredi ("Službene novine Federacije BiH", br. 88/07 i 4/10) i Pravilnikom o upisu u Registar poljoprivrednih gazdinstava i Registar klijenata ("Službene novine Federacije BiH", br. 42/08),
- međunarodne organizacije sa sjedištem na Općini Novi Grad Sarajevo kao i sa sjedištem izvan Općine Novi Grad Sarajevo koje aktivno djeluju na pružanju podrške razvoju poljoprivredne proizvodnje.

Član 5.

Opravljanost i prihvatljivost za sufinansiranje i podršku kandidovanih projekata za namjene utvrđene članom 2. tačka 2., 3. i 4. Odluke cijeniće se na osnovu sljedećih kriterija:

- značaj projekta i njegov doprinos poboljšanju uslova za razvoj održive poljoprivrede,
- doprinos projekta stvaranju uslova za zapošljavanje i samozapošljavanje, kao i povećanju prihoda u funkciji podizanja životnog standarda poljoprivrednih proizvođača,
- doprinos projekta ekonomskom osnaživanju nezaposlenih, socijalno i materijalno ugroženih porodica.
- stepen obezbjeđenosti sufinansiranja projekta iz vlastitih i drugih izvora (domaćih i stranih), ekonomičnosti projekta i
- ostvarenih dosadašnjih rezultata na unapređenju poljoprivredne proizvodnje.

Član 6.

Korisnici kojima se dodijele finansijska sredstva za realizaciju Projekata na osnovu člana 2. stav 1. tačka 2. i 6. Odluke s dužni su odobrena sredstva koristiti za sufinansiranje aktivnosti iz predloženih projekata, uz obaveznu da nadležnoj općinskoj službi za poslove poljoprivrede podnose izvještaje sa

originalnom finansijskom i drugom dokumentacijom kao dokazom o namjenskom korištenju sredstava.

Član 7.

Korištenje sredstava iz člana 2. stav 1. tačke 1. Odluke - direktne podrške za tekuću poljoprivrednu proizvodnju vršiče se na osnovu Javnog poziva koji će raspisati Općinski načelnik dva puta godišnje.

Utvrđuju se novčani iznosi i normativi dati u tabeli:

R/B	VRSTA PODSTICAJA	IZNOS U KM/JEDINICI MJERE (fizička ne registrovana lica)	IZNOS U KM/JEDINICI MJERE (fizička registrovana lica)	NAJMANJE NORME I LIMITI ZA PODSTICAJ
	5) ANIMALNA PROIZVODNJA			
1.a)	Uzgoj i držanje matičnog stada muznih krava	100,00 KM/grlo	150,00 KM/grlo	3-10 grla
1.b)	Podsticaj za uzgoj i držanje priplodnih junica	200,00 KM/grlo	250,00 KM/grlo	2 -5grla
1.c)	Uzgoj i držanje priplodnih ovaca	8,00 KM/grlo	10,00 KM/grlo	50-100 grla
1.d)	Uzgoj i držanje pčelinjih društava	5,00/pčelinje društvo KM/košnici	10,00KM/pčelinje društvo	30 do 100 košnica
	2) BILJNA PROIZVODNJA			
2.a)	Zasnivanje novih zasada voćnjaka (krošnjasto voće: jabuka, kruška, šljiva, trešnja i orah)	150,00 KM/0,1 ha	250,00 KM/0,1 ha	0,2ha - 0,5 ha jedne vrste voća
2.b)	Zasnivanje novih zasada jagodastog voća (jagoda, kupina, malina, borovnica i ribizla)	150,00 KM/0,1 ha	250,00/0,1 ha	0,2 ha - 0,5 jedne vrste voća
	3) GLJIVARSKA PROIZVODNJA	-/-	30,00KM/tona kom. posta/ po kvartalu	Min. 10 t - max. 30t
	4) INVESTIRANJE U POLJOPRIVREDNA GAZDINSTVA			
4.a)	Nabavka nove mehanizacije i opreme u biljnoj i animalnoj proizvodnji	10 % od vrijednosti po računu	15 % od vrijednosti po računu	
4.b)	Nabavka novog plastenika	15% od vrijednosti računa	20% od vrijednosti računa	100-300 m ²
	5) OSTALE VRS-TE NOVČANIH PODSTICAJA			
5.a)	(podrška kroz sufinansiranje zasnivanja kao i proširivanje uspostavljene poljoprivredne proizvodnje kroz oblik direktne podrške za nabavku repromaterijala, sredstava za rad i opreme, certificiranja proizvodnje, učešće na sajmovima	Maximalno 1.000 KM/projekat	maximalno 3.000 KM/projektu	Maximalno 1 projekat

Ukoliko kandidat podnese više zahtjeva za novčane podsticaje maksimalan iznos koji se može isplatiti ukupno za sve podnesene zahtjeve je 2.000,00 KM, odnosno 3.000,00 KM za Ostale vrste novčanih podsticaja (podrška kroz sufinansiranje

zasnivanja kao i proširivanje uspostavljene poljoprivredne proizvodnje kroz oblik direktne podrške za nabavku repromaterijala, sredstava za rad i opreme, certificiranja proizvodnje, učešće na sajmovima).

Član 8.

Zahtjevi za dodjelu novčanih podrški na osnovu Javnih poziva iz člana 7. Odluke se podnose Komisiji za odobravanje novčanih podrški na originalnom obrascu koji se preuzima na Info-punktu općine kao i web stranici općine.

Član 9.

Komisiju za odobravanje novčanih podrški imenuje Općinski načelnik.

Zadatak Komisije je: pregled prispjelih prijava i dokumentacije i utvrđivanje liste - prijedloga kandidata za dodjelu finansijskih sredstava po objavljenom Javnom pozivu a na osnovu utvrđenih kriterija u Javnom pozivu u skladu sa raspoloživim finansijskim sredstvima.

Utvrđena lista - prijedlog kandidata za dodjelu finansijskih sredstava se dostavlja Općinskom načelniku.

Izbor kandidata vrši Općinski načelnik na prijedlog Komisije.

Svaki kandidat koji je podnio zahtjev za ostvarivanje prava na novčane podsticaje na osnovu Javnog poziva može u roku od 8 dana od objavljivanja konačne liste podnijeti prigovor Općinskom načelniku koji donosi konačnu Odluku o prigovoru.

Član 10.

Ova Odluka stupa na snagu danom objavljivanja na oglasnoj ploči Općine Novi Grad Sarajevo, a naknadno će se objaviti u "Službenim novinama Kantona Sarajevo".

Član 11.

Stupanjem na snagu ove Odluke prestaje da važi Odluka o vrsti podsticaja, visini, kriterijima i načinu provođenja podsticajnih mjera za unapređenje poljoprivredne proizvodnje na području Općine Novi Grad Sarajevo ("Službene novine Kantona Sarajevo", broj 9/14).

Broj 01-02-7210/15
31. marta 2015. godine
Sarajevo

Predsjedavajuća
Općinskog vijeća
Edina Gabela, s. r.

Na osnovu člana 33. Statuta Općine Novi Grad Sarajevo ("Službene novine Kantona Sarajevo" broj 30/09 - Novi prečišćeni tekst) i člana 7. stav 5. Odluke o finansiranju nevladinih i neprofitnih udruženja koja okupljaju boračku populaciju na području Općine Novi Grad Sarajevo ("Službene novine Kantona Sarajevo", broj 2/14), Općinsko vijeće Novi Grad Sarajevo, na 25. sjednici održanoj 31.03.2015. godine, donijelo je

ODLUKU

**O RASPOREDU SREDSTAVA ZA FINANSIRANJE
PROJEKATA BORAČKIH UDRUŽENJA U
2015. GODINI**

Član 1.

Ovom odlukom utvrđuje se visina i raspored novčanih sredstava planiranih budžetom Općine Novi Grad Sarajevo za 2015. godinu, namijenjenih za finansiranje projekata nevladinih i neprofitnih udruženja koje okupljaju boračku populaciju.

Član 2.

Raspored odobrenih sredstava za subjekte iz tačke I ove odluke, izvršit će se na sljedeći način: